



He Ara Āwhina (Ngā ara Tautoko) te tarāwaho me tōna rāpopototanga

Te Whāinga: Tētahi pūnaha uekaha o te hauora hinengaro me ngā waranga mō te whānau

Kei te whanau te mana rangatira o tōna oranga. Ko mātou hei arahanga te toiora me te oranga mo mātou ake. Ka taea e ngā whānau katoa ki te āta karo i te auhitanga, whakaiti ingā raru o te pūroi me te petipeti.

Toiora mai i te tirohanga o te ao Māori

Mana Whakahaere – Ka rongō mātou (te whānau) i te Tino Rangatiratanga me te whakatokanga o Te Tiriti o Waitangi ki roto i te pūnaha me ngā ratonga o te hauora hinengaro me ngā waranga.

Mana Motuhake – Ko mātou anō ka takahi i te huarahi ki te pae ora, ki te mauri ora me te whānau ora.

Manawa Ora / Tūmanako – Kei a mātou te mōtika ki te kōwhiri i ngā tautoko me ngā ratonga e hāngai ana ki ō mātou wheako, hiahia, wawata hoki.

Mana Tangata / Tū Tangata Mauri Ora – Kei a mātou te pūnaha o te hauora hinengaro me ngā waranga e whai pānga ana ki te haumarutanga o te ahurea, o te wairua, o ngā whanaungatanga me te taha tinana.

Mana Whānau / Whanaungatanga – E whai wāhi ana mātou ki ngā tautoko me ngā ratonga e whakaāhei ana i ngā hononga o te whānau, o te whakapapa, o te hapū me te iwi.

Kotahitanga – E hiahia ana mātou kia mahi tahi ngā tautoko me ngā ratonga ki te hautū i ngā panonitanga pai.

Toiora mai i te tirohanga whānui

Mana taurite – E hiahia ana mātou (tāngata whaiora) ki te whai i te pūnaha o te hauora hinengaro me te waranga e tautoko ana i ngā whānau katoa.

Te whai wāhi me te hautūtanga – Ka hautū, ka whakaritea e mātou ngā huarahi o te auhī, o te pūroi, o te petipeti rānei hei huarahi ki te toiora me te whakarauora.

Te whai wāhi me ngā kōwhiringa – Kei a mātou te mōtika ki te kōwhiri i ngā tautoko me ngā ratonga i ngā wā me ngā wāhi ka hiahiatia ai e whakautu ana i ō mātou wheako, hiahia, wawata, whakapono anō hoki.

Te haumaruru me ngā mōtika – E hiahia ana mātou i te pūnaha o te hauora hinengaro me ngā waranga e mārāma ana, ā, e whakatanatana ana i te noho haumaruru o tō mātou ahurea, wairuatanga, whanaungatanga, mōtika tangata hoki.

Te atawhai tūhono – E hiahia ana mātou i ngā tautoko me ngā ratonga e mahi tahi ana ki a mātou, ā, e mānawa mai ana ki ngā whānau, ngā hapori me te pāpori.

Whai angitū – Kia whai kiko ngā panonitanga i ngā tautoko, i ngā ratonga me ngā kaupapahere e whai mana ai, ā, e tōnui ai mātou.